

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2015 ԹՎԱԿԱՆԻ ԴԵԿՏԵՄԲԵՐԻ 17-Ի № 1486-Ն
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ

ՈՐՈՇՈՒՄ

_____ 2018 թվականի № _____ -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ
ԴԵԿՏԵՄԲԵՐԻ 17-Ի № 1486-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ

ԿԱՏԱՐԵԼՈՒ ՄԱՍԻՆ

Համաձայն «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին և 5-րդ մասերի՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2015 թվականի դեկտեմբերի 17-ի «Հայաստանի Հանրապետության ֆիզիկական կուլտուրայի և սպորտի ոլորտի պետական հիմնարկների և Հայաստանի Հանրապետության պետական բյուջեից ֆինանսավորվող մարզական կազմակերպությունների աշխատողների պաշտոնային դրույքաչափերին լրավճարներ սահմանելու մասին» №1486-Ն որոշման մեջ (այսուհետ՝ Որոշում) կատարել հետևյալ փոփոխությունները՝

1) Որոշման վերնագիրը շարադրել հետևյալ խմբագրությամբ՝ «Հայաստանի Հանրապետության պետական բյուջեից և այլ աղբյուրներից ֆինանսավորվող Հայաստանի Հանրապետության ֆիզիկական կուլտուրայի և սպորտի ոլորտի մարզական կազմակերպությունների և հիմնարկների աշխատողների պաշտոնային դրույքաչափերին լրավճարներ սահմանելու մասին».

2) Որոշման 1-ին կետի «Սահմանել Հայաստանի Հանրապետության ֆիզիկական կուլտուրայի և սպորտի ոլորտի պետական հիմնարկների և Հայաստանի Հանրապետության պետական բյուջեից ֆինանսավորվող

մարզական կազմակերպությունների աշխատողների պաշտոնային դրույքաչափերի լրավճարները՝ համաձայն հավելվածի» բառերը փոխարինել «Սահմանել Հայաստանի Հանրապետության պետական բյուջեից և այլ աղբյուրներից ֆինանսավորվող Հայաստանի Հանրապետության ֆիզիկական կուլտուրայի և սպորտի ոլորտի մարզական կազմակերպությունների և հիմնարկների աշխատողների պաշտոնային դրույքաչափերին լրավճարները՝ համաձայն հավելվածի» բառերով:

2. Որոշման հավելվածը շարադրել նոր խմբագրությամբ՝ համաձայն հավելվածի:
3. Որոշման 2-րդ կետը ուժը կորցրած ճանաչել:
4. Սույն որոշումն ուժի մեջ է մտնում հրապարակման պահից:

Հավելված
ՀՀ կառավարության 2018 թվականի
----- -ի

№ ----- -Ն որոշման

«Հավելված
ՀՀ կառավարության 2015 թվականի
դեկտեմբերի 17-ի

№ 1486-Ն որոշման

Լ Ր Ա Վ Ճ Ա Ր Ն Ե Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԲՅՈՒՋԵԻՑ ԵՎ ԱՅԼ

ԱՐԲՅՈՒՐՆԵՐԻՑ ՖԻՆԱՆՍԱՎՈՐՎՈՂ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՈԼՈՐՏԻ ՄԱՐԶԱԿԱՆ
ԿԱԶՄԱԿԵՐՊՈՒԹՅՈՒՆՆԵՐԻ ԵՎ ՀԻՄՆԱՐԿՆԵՐԻ ԱՇԽԱՏՈՂՆԵՐԻ

ՊԱՇՏՈՆԱՅԻՆ ԴՐՈՒՅՔԱԶՎԹԵՐԻՆ ՍԱՀՄԱՆՎՈՂ

1. Հայաստանի Հանրապետության պետական բյուջեից և այլ աղբյուրներից ֆինանսավորվող Հայաստանի Հանրապետության ֆիզիկական կուլտուրայի և սպորտի ոլորտի մարզական կազմակերպություններում և հիմնարկներում աշխատող՝ օլիմպիական

խաղերի, աշխարհի, Եվրոպայի չեմպիոններին և մրցանակակիրներին, ինչպես նաև նրանց մարզիչներին համապատասխան մարզական կազմակերպությունների և հիմնարկների համար նախատեսված հատկացումների հաշվին սահմանվում են ամսական լրավճարներ՝ հետևյալ չափերով՝

- 1) օլիմպիական խաղերի չեմպիոններին՝ 100 հազար դրամ.
- 2) օլիմպիական խաղերի չեմպիոնների մարզիչներին՝ 50 հազար դրամ՝ նրանց սաների չեմպիոն դառնալուն հաջորդող տարվա հունվարի 1-ից՝ 4 տարի ժամկետով.
- 3) օլիմպիական խաղերի 2-րդ մրցանակակիր մարզիկներին՝ 80 հազար դրամ, իսկ նրանց մարզիչներին՝ 40 հազար դրամ՝ նրանց սաների մրցանակակիր դառնալուն հաջորդող տարվա հունվարի 1-ից՝ 2 տարի ժամկետով.
- 4) օլիմպիական խաղերի 3-րդ մրցանակակիր դարձած մարզիկներին՝ 60 հազար դրամ, իսկ նրանց մարզիչներին՝ 30 հազար դրամ՝ նրանց սաների մրցանակակիր դառնալուն հաջորդող տարվա հունվարի 1-ից՝ 1 տարի ժամկետով.
- 5) աշխարհի չեմպիոն դարձած մարզիկներին՝ 80 հազար դրամ, իսկ նրանց մարզիչներին՝ 40 հազար դրամ՝ նրանց սաների չեմպիոն դառնալուն հաջորդող տարվա հունվարի 1-ից՝ 2 տարի ժամկետով.
- 6) Եվրոպայի չեմպիոն դարձած մարզիկներին՝ 60 հազար դրամ, իսկ նրանց մարզիչներին՝ 30 հազար դրամ՝ նրանց սաների չեմպիոն դառնալուն հաջորդող տարվա հունվարի 1-ից՝ 1 տարի ժամկետով.
- 7) աշխարհի և Եվրոպայի մրցանակակիրներ դարձած մարզիկներին՝ 40 հազար դրամ, իսկ նրանց մարզիչներին՝ 20 հազար դրամ՝ նրանց սաների մրցանակակիր դառնալուն հաջորդող տարվա հունվարի 1-ից՝ 1 տարի ժամկետով:
- 8) երիտասարդների աշխարհի չեմպիոն դարձած մարզիկի մարզիչներին՝ 20 հազար դրամ՝ նրանց սաների չեմպիոն դառնալուն հաջորդող տարվա հունվարի 1-ից՝ 1 տարի ժամկետով.
- 9) երիտասարդների Եվրոպայի չեմպիոն կամ երիտասարդների աշխարհի առաջնության մրցանակակիր դարձած մարզիկի մարզիչներին՝ 18 հազար դրամ՝ նրանց սաների չեմպիոն դառնալուն հաջորդող տարվա հունվարի 1-ից՝ 1 տարի ժամկետով.
- 10) պատանիների աշխարհի կամ Եվրոպայի չեմպիոն կամ երիտասարդների Եվրոպայի առաջնության մրցանակակիր դարձած մարզիկի մարզիչներին՝ 15 հազար դրամ՝ նրանց սաների չեմպիոն դառնալուն հաջորդող տարվա հունվարի 1-ից՝ 1 տարի ժամկետով.
- 11) պատանիների աշխարհի կամ Եվրոպայի առաջնության մրցանակակիր դարձած մարզիկի մարզիչներին՝ 12 հազար դրամ՝ նրանց սաների չեմպիոն

դառնալուն հաջորդող տարվա հունվարի 1-ից` 1 տարի ժամկետով.

12) Եվրոպական խաղերի կամ համաշխարհային ուսանողական մարզական խաղերի հաղթող դարձած մարզիկի մարզիչներին` 30 հազար դրամ` նրանց սաների չեմպիոն դառնալուն հաջորդող տարվա հունվարի 1-ից` 1 տարի ժամկետով.

13) Եվրոպական խաղերի կամ համաշխարհային ուսանողական մարզական խաղերի մրցանակակիր դարձած մարզիկի մարզիչներին` 20 հազար դրամ` նրանց սաների չեմպիոն դառնալուն հաջորդող տարվա հունվարի 1-ից` 1 տարի ժամկետով:»: